

## Dantzari Festa eta Txalaparta Festa maiatzeko kultur ekitaldi nagusiak

- Dantzari Festa datorren larunbatetik maiatzaren 10era da eta Txalaparta Festa maiatzaren 22tik 25era
- Biteriko erakusketak, kontzertuak, ipuiak eta Gazte Txokoko ekintzek osatzen dute eskaintza.

MAIATZEAN kultur eskaintza zabala dago Hernanin, datorren asteburutik hasita. Dantzari Festakoak dira lehen ekitaldiak datorren larunbatetik hurrengora arte. Datorren larunbatean Ipar Euskal Herriko dantzak ikasteko aukera izango da, Plaza Berrin. Igandean, berriz, Euskal Herri guztiko 8 dantza talde izango dira Hernanin eta egun guztiko festa egingo dute.

Dantzari Festaren barruan, hurrengo aste osoan Euskal-Jantzi erakusketa, eta hitzaldiak izango dira, astelehentik ostegunera, eta ostiralean, hilak 9, Ipar Euskal Herriko dantza ikastaroa izango da. Maiatzaren 10ean bukatuko da aurtengo dantzari Festa, herriko dantza taldeen emanaldiekin.

### Arte lanak Biterin

Errapia taldeak antolatuta arte lanak egongo dira Biterin, maiatzaren 13tik 22ra. Pintura, oihal gaineko inpresio digitala, kristala eta burnia, eskultura, zeramika, argazkiak eta abar egongo dira, 20 artista baino gehiagoren lanak guztira. Biteriko erakusketa Goizueta Udaletxean apirilaren 14ra arte egon den erakusketaren parte bat izango da. Arte lanak egin di-



Iazko dantzari festan bikotea dantzan.

tuztenak Zikuñagako eskola zaharrean dabilzan Errapia taldeko artistak eta Euskal Herriko beste hainbat tokietako artistak dira. Errapia taldeak esan zuen Zikuñagako lokalean sartu berritan, herrian hainbat erakusketa antolatzeak zituztela eta bigarrena badute dagoeneko.

### Jexux Artzeren omenez


Txalaparta Festa maiatzaren 22tik 24ra da eta Jexux Artze zena omenduko du aurten. Maiatzaren 22an, txalapartari buruzko hitzaldia emango du Joxanton Artzek, *Ibarreran zeharka-meharka, mendian gora eta behera* izenbururekin, eta 23an Aztarnak

taldeak *Denbora* Txalaparta kontzertu berezia emango du arratsaldean eta *Txalaparta Party Aparta* izango da gauerdian, Goiz Argi tabernan. Egun nagusia larunbatean izango da: arratsaldean txalaparta saio inprobisatuak eta sagardoa egongo dira Tilosetan. Gauean herri afaria antolatu dute eta afal ondoan izango da txalaparta jaialdi nagusia, Euskal Herriko 7 txalaparta talderekin.

### Kontzertu, erakusketa eta ipui kontalaria

Hilaren 15ean dute aurkeztekoa San Joan jaien Iragarpen kontzertua. Hilaren 21ean, berriz, kontzertua dago Biterin, Tecnoklock taldearen eskutik. Maiatzaren 26tik ekainaren 5era ingurugiroari buruz ikasleek egindako lanak egongo dira Biterin eta hilaren 28an Lur Korta ipui kontalariak 3tik 7 urte bitarteko umeak gozatuko ditu.

Kultur ekitaldien barruan Gazte Txokokoak maiatzerako preparatu duena aurkeztu dute. Egitarau zabala dago gazteentzat: hilaren 10ean, Kranpak pelikula; 15ean, ligatzeko tailerra; 16an, Talasoterapiara irteera; 23an, Eskalada; eta 31ean, hondartzara irteera egun guztirako. □



Gotzon Aranburu.

## Gotzon Aranburu gose eta egarri greban, espetxean bizi duten egoera salatzen

GOTZON Aranburu urtetan Hernanin bizi izan den azpeitiarra gose eta egarri greban dago Valdemoroko espetxean, beste 18 euskal preso politikorekin batean, Askatasuna erakundeak prentsa ohar batean azaldu duenez. Gose eta egarri greba espetxean bizi duten egoera latza salatzen hasi dute euskal presoek, espetxean jasaten dituzten jipoiak, sakanaketa edo inkomunikazio egoera, besteak beste. Gose eta egarri grebaren ondorioz zenbait preso nahiko ahul daude Askatasunak azaldu duenez. □

### MAIATZAREN LEHENA

## LABek dei egin du Bilboko manifestaziora joateko

LAB sindikatuak dei egin du, langileen eguna dela eta bihar Bilbon egingo den manifestaziora joateko. Manifestazioa eguerdiko 12:00etan aterako da Arriagatik eta LABek Hernanin 10:30etan jarri du zita, Atsegindegian. Bilbora kotxean joateko deia egin du LABek, greban dauden autobus gidari bizkaitarrei elkartasuna adierazteko. □

## Udalbiltzaren kontrako operazioa salatzen kontzentrazio isila gaur Udaletxe aurrean

UDALBILTZAREN kontrako operazioa salatzen kontzentrazioak deitu dituzte Udaletxe aurrean, *Bai Euskal Herriari, Bai Udalbiltzari* lema-

rekin. Udalbiltzaren kontrako operazioa atzo goizaldean hasi zen Baltasar Garzon epaileak aginduta. Polizia Nazionalak Loren Arkotxa buru

duen Udalbiltzako zortzi kide atxilotu zituen eta bulegoetan mihaketak ere egin zituzten.

Hernaniko Udala ere Udalbiltzako kide da.

Kontzentrazioak Udaletxe aurre guztietan egingo dira, gaur 20:00etan. Udalbiltzak dei egin die herritarrei parte hartzera. □

**Yone**  
boutique  
Kale Nagusia 63  
*Hemen erosiz, Tenerifea joan zintezke*  
50 euroko erosketagatik zozketarako boleto bat  
Zuzketa: 2003ko Ekainak 28ko loterierekin

**IKASTAROA LANGABETUENTZAT**  
INGLESA: *Publikoari atentzioa*  
-INEMek subentzionatua-  
209 ordu  
Ordutegia: 9:00 -13:30  
astelehentik ostiraletara  
Hasiera: maiatzak 9  
Bukaera: uztailak 15  
Ondi kalea 1  
HERNANI  
943 333711  
943 334227  
urolalde

mikel armendariz  
proiektu eta instalazio elektrikoak  
Tel. 649 846 422  
HERNANI

**brintza**  
BRINTZA, S.L.  
Juan de Urbietia 15  
Tel. 943 33 12 67  
Faxa.: 943 33 08 92  
20.120 HERNANI  
LAN AHOLKULARITZA  
AHOLKULARITZA FISKALA  
ASEGURUAK, INBERTSIOAK

Zure moda Hernanin bertan

## Himalayako joan etorriari buruzko irudi eta gogoetak azaldu zituen Alberto Iñurrategik

■ Felix anaiari buruzko gogorapenak dira emanaldiaren ardatza ■ Biteriko Areto Nagusia bete-bete egin zen joan den astelehenean.

DIPOSITIBA emanaldia hasi aurretik argi utzi zuen Alberto Iñurrategik mendiko diapositiba emanaldi normal bat ez zela *Hire Himalaya*. Nepaleko eta Pakistango herrietako irudiak tartekatatu zituen mendiko elurtuekin, eta ofean bere gogoetak azaldu zituen. Himalayara lehen aldiz joan zirenetik 14 zortzimilakoak igo zituen arteko ibilbidea azaltzen du: beren poz eta kontradizioak, eta bidean anaia mendian galdu izanak utzi dion hutsunea.

Txuri beltzeko diapositiba eta film pusketak eta Koldo Izagirre eta Kepa Gonzalezen hitzek osatzen dute emanaldi hunkigarria, eta mendiaren eta orokorrean bizitzaren alderdi latzenetako bat azaltzen du; alegia, inguruko pertsona bat galtzearen gogorra.

### Himalaya uztea

Albertok esan zuen Felix



Alberto Iñurrategi emaldiari buruko argibideak ematen.

anaia hil zenean Himalayara berriz ez bueltatzea pentsatu zuela. Hori omen da mendizaleek lagun bat galtzen dutenean izaten duten lehen

erreakzioa. Denborak, ordea, berriz ere mendirako grina piztu dio Albertori eta anaiarekin zituen proiektu eta asmoak burutzeko gogoia. □

## Nafarroa Oinezen aldeko Mus Txapelketa

■ Elur-Txori elkartearen izango da maiatzaren 5etik 15era ■ Inskripzioa 22 euro dira bikoteko eta diru hori Irunberriko ikastolarentzat izango da.

NAFARROA Oinezarako dirua biltzeko Mus Txapelketa jokatu da Elur-Txori elkartearen, datozen bi asteetan. Asmoa da 32 bikoterekin egitea txapelketa maiatzaren 5, 6, 7 eta 8an eta 12, 13, 14, eta 15ean. Bikote bakoitzak 22 euro jarriko ditu eta diru hori Irunberriko ikastolari emango

zaio. Lehenengo bikoteentzat sariak egongo dira.

Izen emateko Elur-Txori elkartetik pasa edo bertara deitu: 943 551445. Imaz edo Txikiren galdera egin.

**Ur-Mia eta Peñan bukaera** Ereñotzuko Ur-Mia elkartearen finalaurrekoetan dira. Portugal-

Xauxar/Ansa-Gorrotxategi eta Lasarte-Ttantua/Leonet-Leonet dira partidak. Finala eta 3-4 postuak larunbatean jokatu dira urteko afariaren aurretik.

Peña Otañon gaur jokatuko dira final eta 3-4 postua. Finala, Balantxa I-II/Sagarna-Luis; eta 3-4 postua, Arruti-Sagarna/Enrike-Linter. □

## Urteurreneko bazkaria bihar Peña Otañon eta afaria larunbatean Ur-Mian

URTEKO bazkaria dute bihar Peña Otañon. Izen ematea Peña Otañon bertan egin behar da. Bazkal ondoan Mus txapel-

ketako sariak banatuko dira. Ereñotzuko Ur mia elkartearen datorren larunbatean egingo dute urteko afaria.

Izen ematea Ur-Mia elkartearen bertan egin behar da. Afal ondoan emango dituzte Mus Txapelketako sariak. □



Arriatsu eskola zaharra.

## Arriatsu eskolako estruktura berrituko dute, ingurugiro eskola egiteko lehen fasean

ARRIATSU eskola zaharrean ingurugiro etxe bat egiteko asmoa dago. Lehenengo astean obraren lehen fasea egitea onartu zuen Gobernu Batzordeak, alegia, eskeletoa utzi eta barruko estruktura eta banaketa egitea.

Arriatsuri irtenbidea emateko bideragarritasun plana egin dago eta ingurugiro etxea egitea erabaki zen orduan. Energia berriztagarrien gama zabala egongo da Arriatsun, behin ingurugiro etxea martxan jartzean. □



Udal ordezkariak eta umeak atzo lorategietako bonoen zozketan.

## Zozketak atzo Hernaniko lorategiak zaintzeko kanpainaren barruan

Hernaniko lorategiak zaintzen ibili diren ikasleek 20 kamiseta eta Hernaniko lorategietan loreak erosteko 3 bono zozketatu zituzten. Kamisetak 4 ikastetxeetako 20 ikasleri tokatu zaizkie eta lorategietarako bonoak Mainer Ormazabal, Rosa Mª Martinez eta Garazi Redondori. □

### ■ HITZ BITAN

#### ✓ GALDUTAKOAK

**Argazki kamara.** Argazki batzuekin poltsa bat galdu zen, joan zen ostegunean. Gudarien Enparantzatik Sta Barbara auzora bitartean. Aurkitzen dituenak, Gudarien plazako Etxarri Argazkidendan utzi ditzake.

**Eguzkitako betaurreko graduatuak** Eguzkitako betaurrekoak galdu dira, graduatuak. Kristal borobilak eta montura urre kolorekoa. Aurkitzen dituenak 657 775120 telefonora deitu. □

### ZERBITZUAK

#### ☎ TELEFONOAK

► Taxiak: 943 550093  
► Udaltzaingoa: 943 333288  
► DYA: 943 464622  
► Autobusak: 943 556662  
► Anbulatorioa: 943 006666  
► Jokalari anonimoak: 943 331103

#### ☎ FARMAZIAK

► Eguez: Gomez Justel  
Kale Nagusia 14  
☎ 943 554892  
► Gaez: Gomez Justel  
Kale Nagusia 14  
☎ 943 554892

### IRAGARKI MERKEAK

18-28 urte bitarteko mutil euskalduna behar dugu Hernaniko taberna batean lan egiteko. Interesatuak deitu: 943 55 26 46 - 658 750 896

Arotz profesionalak etxeko lan txikiak egingo lituzke Hernani inguruan. Behar badezu deitu: 656 78 64 15 (Kepa)

Maiatzaren 4tik 6ra bitartean emakume euskaldun bat behar degu, adineko emakume batekin bizitzeko. Deitu: 943 33 29 11